

Son once parroquias no Concello de Ames
Cóntochas nun tema por se non as sabes
Bertamiráns e Milla son as localidades
Vilas e parroquias, aldeas e lugares

Ando por Tapia na praia fluvial,
Cun par de amigos mellor ca no mar
Quería un xeado pero non queda diñeiro
Caeume do peto xusto ao pasar por Piñeiro

Buscando chegamos ata Ameixenda
Onde unha velliña nos fixo a merenda
Que boa empanada deille os parabéns
Dixo que é receita da súa nai de Lens

Eu respondín pois miña nai é de fóra
Pero teño un amigo que vive por Covas
En Agrón xogaba nun campo nunha lomba
E de cativo ía a escola en Ames a Barouta

Dixo a velliña deixa que che conte
Fáltache Biduído e máis falta Trasmonte
Tamén Bugallido, e Ortoño que fun onte!
Xunto as que dixeches creo que xa son once

Son once parroquias no Concello de Ames
Cóntochas nun tema por se non as sabes
Bertamiráns e Milla son as localidades
Vilas e parroquias, aldeas e lugares (x2)

Aproveitamos para darvos os parabéns a toda a rapazada e as súas familias pola vosa participación no Proxecto Nós. A vosa colaboración fixo posible reunir centos de novas gravacións cheas de diversidade, creatividade e maneiras distintas de falar.

As voces máis novas achegaron experiencias, ideas e reflexións moi valiosas, e o acompañamento das familias foi fundamental para facer realidade esta participación. O resultado é unha mostra rica e viva da nosa lingua.